

Escrito por Alvaro Peralta
Mércores, 29 Agosto 2012 22:07



Ciclistas de tódala pruvincia de Pontevedra preparan unha marcha para este domingo 2 de setembro en reclamo de maior seguridade e remodelación do [carrilbici Vigo - A Guarda](#) . "Queremos chamar a atención da veciñanza e as autoridades para evitar accidentes", afirmou a Valminor.info, César Cabreira Rodríguez, deportista que tivo a iniciativa de agrupar aos usuarios do carril a través das redes. A mobilización comezará ás 11 horas no aparcadoiro do supermercado Froiz de Navia e transcorrerá a modo ata o Parador de Baiona onde se xuntarán con ciclistas do Baixo Miño, Ponteareas e Porriño.

Os convocantes á marcha esixen entre outras reclamacións, a eliminación inmediata dos reflectantes situados como divisoria dos carrís para o tráfico automotor e as bicicletas, debido ao risco que supoñen. "Cando marchas en grupo se corre o risco de tropezar con eles e provocar un grave accidente", sinalou César Cabreira. De feito, nunha visita pola zona de Oia, púidose comprobar que algúns desas divisorias están feitas de formigón e non de materias brandos, máis adecuados.

Tamén se solicita ás autoridades o mantemento, limpeza e conservación do carril, a eliminación dos obstáculos do trazado (colectores de lixo, postes, pedras, etc), a sinalización vertical durante o percorrido, o control de aparcamentos, e modificacións na circulación dalgúns

Marcha ciclista dende Vigo a Baiona en reclamo de modificacións ao actual carrilbici Vigo-A Guarda.

Escrito por Alvaro Peralta
Mércores, 29 Agosto 2012 22:07

tramos específicos.

A marcha é aberta a todo público e todas as persoas que dispoñan dunha bicicleta poden participar. "A marcha será amodo", explicou César Cabreira, porque o que interesa é que podan asistir todas as persoas que o desexen.

Os usuarios aportan día a día imaxes dos diferentes problemas e defectos do trazado que son compartidos [nun grupo que posúen na rede Facebook](#) (que leva máis de 1200 membros en menos dunha semana), así como no

[Blog](#)
creado para información xeral, con máis de 3000 visitas no mesmo período.